



Claudii Fleurii Abbatis Historia Ecclesiastica

Ab Anno Christi 1675. usque ad annum 1681

Fleury, Claude

August. Vind. [u.a.], 1780

VD18 90119207

§. 42. Sexdecim Præsules Romana Purpura ab Innocentio XI. Papa decorati.

[urn:nbn:de:hbz:466:1-67305](https://nbn-resolving.org/urn:nbn:de:hbz:466:1-67305)

feu declarationem Græcarum vocum, Sæc. XVII.
& phrasium Novi Testamenti. A. C. 1681.

§. XLII.

*Sexdecim Præfules Romana Purpura
ab Innocentio XI. Papa decorati.*

Ineunte anno hujus sæculi octogesimo primo Estræus Cardinalis Gallici Oratoris Frater Romam venerat, cum summo Pontifice de Regaliæ negotio acturus: Hic ergo præprimis petebat, sibi adjungi Præfulem Pontificia auctoritate munitum, quocum de Galliæ Regis, Franciæ Præfulum, & Sorbonæ postulatis prævie conferre posset. Igitur ex Sacri Collegii consilio singularis hanc in rem erigitur Congregatio, cui præesset Ludovisius Cardinalis: Processerat hoc negotium lento admodum pede, eoquod Estræus, ceterique Cardinales Gallicis partibus addicti illud oretenus, Pontifex autem scriptotenus agitari vellent, aliunde vero Papa haud leviter Franciæ Præsulibus indignaretur, quod nuper non sine Pontificiæ auctoritatis læsione jus Regaliæ Regi afferuissent. Præterea in amaras effundebatur querelas, eoquod non sine Sedis Apostolicæ contemptu Historia Conciliorum generalium ab Edmundo Richerio Sorbonico Doctore edita communi

*Theatr. Europ. t. 12.
Godefrid.
Hist. Chron. cont. t. 3.
pag. 287.
Priest. Annal. cont. pag. 963.*

Sæc. XVII. muni applausu in Galliis divulgaretur;
 A. C. 1681. eapropter eandem die decima septima
 Martii edito decreto ad libros legi ve-
 titos rejecit, simul tamen eo acrius le-
 gentium aviditatem ac orexin acuit;
 sub idem tempus non modo calamita-
 tes, quibus Catholici in Anglia preme-
 bantur, sed & bellici Turcarum appa-
 ratus, anxium tenebant summi Pontifi-
 cis animum; præprimis igitur bis cen-
 ties mille aureos in Angliam ad Jesui-
 tas transmisit, ut has pecunias in pau-
 peres Catholicos erogarent, simulque
 Ordinum Superiores hortabatur, ut
 indictis publicis precibus Deum ad a-
 vertenda pestilentia, Turcicique belli
 mala flectere satagerent: Polonis quo-
 que quolibet Mense quinquaginta flore-
 norum millia pollicebatur, si rursus
 Turcas bello petere vellent. Cum au-
 tem nonnullas mulieres Romanas con-
 tempta nuperi edicti, ac poenarum se-
 veritate adhucdum nudato pectore in-
 cedere intelligeret, hinc Ecclesiasticos
 oscitantia in exequendis Papæ man-
 datis incusans, anathematis poenam
 intentabat in eas, quæ indecentius
 vestitæ deprehenderentur: cum vero
 Pontifex unice tollendis Curia, urbis-
 que Romanæ corruptelis hucusque in-
 tentus esset, Sacrum Purpuratorum
 Collegium augere distulit: defunctis
 autem

autem jamjam viginti septem Cardina-
 libus, tandem præter omnium expecta-
 tionem importunis plurium Principum
 precibus, necnon Urbis & Orbis Ca-
 tholici votis annuens, die prima Se-
 ptembris sexdecim Viros, quos ob pro-
 bitatem, generis nobilitatem, ac do-
 ctrinæ præstantiam maturo judicio di-
 gniores censuerat, Romana decorabat
 Purpura. Horum primus erat Joannes
 Baptista Spinula Genuensis Archiepi-
 scopus, ac Romanæ Urbis Gubernator.
 II. Antonius Pignatellius patria Nea-
 politanus, ibidemque Archiepiscopus
 & antea Leccensis Episcopus, Cardi-
 nalis Presbyter tit. S. Pancratii, ac
 postea Pontifex *Innocentius XIII.* nun-
 cupatus III. Stephanus Brancaccius iti-
 dem Neapolitanus, Episcopus Viter-
 biensis, ac sacræ Congregationi Con-
 cillii a secretis. IV. Stephanus Augu-
 stini patria Forolivienfis Archiepisco-
 pus Heracleensis & Datarius. V. Fran-
 ciscus Bonvisius patria Lucensis Thef-
 salonicensis Archipræsul, atque Apo-
 stolicus in Germania Nuntius, cui ipse-
 met Cæsar rubrum galerum Sopronii
 die prima Novembris imposuit. VI.
 Savus Melini Romanus Cæsareensis
 Archiepiscopus, & Pontificius in Hi-
 spania Nuntius. VII. Fridericus Vi-
 ccomes, patria Mediolanensis, ibi-
 dem

Sæc. XVII.
 A. C. 1681.

Hist. Eccles. Tom. LXIV.

Qq dem-

Sæc. XVII. demque Archiepiscopus, necnon Rotæ
A. C. 1681. Romanæ Auditor. VIII. Marcus Gal-
 lius Senensis, Ariminensis Episcopus.
 IX. Flaminius del Taya pariter Sene-
 sis, Rotæ Auditor. X. F. Raymun-
 dus Capizuchius patria Romanus ex
 Ord. FF. Prædicatorum, sacri Palatii
 Magister. XI. Joannes Baptista de
 Luca, Veronensis, utriusque Signa-
 turæ Referendarius, & summi Ponti-
 ficis Auditor. XII. F. Laurentius Bran-
 catus de Laurea Ord. FF. Minorum
 Conventualium, SS. Theologiæ Pro-
 fessor, & Apostolicus Vaticanæ Biblio-
 thecæ Custos, necnon Episcoporum
 Examiner. XIII. Urbanus Sacche-
 tus, Florentinus Generalis Auditor
 Cameræ Apostolicæ. XIV. Joannes
 Franciscus Gineti, Romanus, æranæ
 Pontificii Magister. XV. Benedictus
 Pamphilius patria Romanus, Eques
 S. Joannis Jerosolymitani. XVI. Mi-
 chael Angelus Ricci, itidem Romanus,
 Congregationis Indulgentiarum Secre-
 tarius. Fingunt quidem Protestantes
 Historici, quod Regem Ludovicum,
 eo quod nullus e Gallica natione ad Pur-
 puram a Papa fuisset assumptus, hic con-
 temptus tædio affecerit non exiguo;
 ast Innocentius, nec Hispanum nec Ger-
 manum &c. assumpsit, eoque fine un-
 decim adhuc Sedes reliquit vacantes,
 ut

ut alio tempore illos, qui a Regibus no-
minari solent, creare posset.

Sæc. XVII.
A. C. 1681.

§. XLIII.

*Comitia Sopronii in Hungaria pro
sedanda Protestantium rebel-
lione habita.*

Habebatur hoc anno die decima octa-
va Martii Tyrnaviæ Hungariæ Pro-
cerum conventus, cui Esterhasius &
Forgatsius natione Hungari, ut intrusæ
gentis Germanæ calumnia declinare-
tur, præerant: Speratæ tamen pacis
successum rursus intercidebant Prote-
stantes, qui recoctis veteribus querelis
Hungariam Germano milite liberari,
omniaque Tempia reddi pertinaciter
petebant: cum autem ejusmodi postu-
lata tam Cæsaris dignitati, quam Rei-
publicæ bono adversarentur, omnibus-
que probe perspectum esset, quod con-
cessa sectæ libertate, Protestantium per-
duellioni atque impietati ad quævis
audenda habenæ laxarentur, aliunde
vero Cæsar jam antea eis Tempia suo
ære constructa concessisset, hinc non
modo Emericus ex Ordine Capucino-
rum Viennensis Episcopus, ac Clerici,
sed ipsi etiam Hungariæ Proceres eo-
rum petulantia irritati, illis exprobra-
bant, quod insuper Ecclesias Catho-
licis,

Wagner vit.
Leop. lib. 8.
pag. 564.

Qq 2.

licis,